



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 51. Cardinalis Borromæi epistola ad utrumque Hispaniæ Nuntium circa hanc confirmationem.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

„præsumperit, indignationem omni-
 „potentis Dei, ac beatorum Petri, &
 „Pauli Apostolorum ejus, se noverit in-
 „cursurum.

Sæcul. XVI.
 A.C. 1564.

„Datum Romæ apud S. Petrum
 „Anno incarnationis Dominicæ Mille-
 „simo, Quingentesimo, Sexagesimo Quar-
 „to, vigesima sexta Januarii: Ponti-
 „ficatus nostri anno quinto.,

„Ego Pius Catholicæ Ecclesiæ
 „Episcopus.

In fine hujus Bullæ viginti sex Car-
 dinales, qui tum Romæ agebant, sub-
 scripti reperiuntur.

§. LI.

*Cardinalis Borromæi epistola ad u-
 trumque Hispaniæ Nuntium circa
 hanc confirmationem.*

Postea Pontificis cura eo abibat, ut
 hoc diploma ad omnes Princi-
 pes Catholicos transmitteretur, Bor-
 romæus vero Cardinalis novam hanc
 rem ad utrumque Hispaniæ Nuntium
 perscripsit, hæc subjungens, „jam im-
 „primendis Synodi decretis incumbi-
 „tur, ut ea exacte elaborata ad omnes
 „Provincias mitti possent: Pontifex eam,
 „ob rem Nuntios ad omnes Principes ab-
 „legare statuit, qui eos hortentur, ut

Q 4

„exe-

Sæcul. XVI.

A. C. 1564.

„exequendis omnibus in Synodo de-
 „cretis manum admovere vellent, &
 „quamvis circa hoc nil certi adhuc sta-
 „tutum sit, nihilominus jam operam
 „navat Pontifex, omnemque suam sol-
 „licitudinem impendit, ut firmam Curia
 „Romanæ emendationem, quæ etiam
 „ceteris exemplo esset, procurare valeat

§. LII.

*Tempus, quo Synodi decreta obliga-
 re incipiant, a Papa indictum.*

Cum de tempore, a quo hæc decre-
 ta servandi lex inciperet, dubi-
 taretur, Pontifex hanc difficultatem sub-
 laturus diploma edidit hujus tenoris:
 „Etsi ipsius Concilii decreta, etiam de
 „venerabilium fratrum nostrorum S. Ro-
 „manæ Ecclesiæ Cardinalium consilio,
 „& assensu, in Consistorio nostro secre-
 „to confirmata a nobis fuerint sub fi-
 „nem mensis Januarii, & ab eo etiam
 „tempore apud hanc sanctam Sedem
 „observari cœperint: quia tamen non
 „parum temporis in eis Romæ diligen-
 „ter, emendateque imprimendis neces-
 „sario consumptum fuit, & jure etiam
 „communi sancitum est, ut Constitutio-
 „nes novæ vim nonnisi post certum
 „tempus obtineant, æquum nobis, &
 „justum visum est, prædicta Decreta o-
 „mnia ad dictam reformationem, jus-
 „que